

## DECRETO NÚMERO 12008591

**Excmo. Sr. DON JOSÉ CLEMENTE LÓPEZ OROZCO, Alcalde Presidente do Excmo. Concello de Lugo.**  
**Lugo, dez de outubro de dous mil doce.**

A Xunta de Goberno Local do Excmo. Concello de Lugo, en sesión ordinaria celebrada o día 6.05.2009, adoptou o acordo de aprobación da Oferta de Emprego Público para o ano 2009, publicándose no Boletín Oficial da Provincia número 115 de data 22.05.2009 (modificada polo citado órgano en sesión do 19.01.2011, modificación que foi publicada no BOP número 034, do 11.02.2011)

Do mesmo xeito, a Xunta de Goberno Local do Excmo. Concello de Lugo, en sesión ordinaria celebrada o día 21.12.2011, adoptou o acordo de aprobación da Oferta de Emprego Público para o ano 2011, publicándose no Boletín Oficial da Provincia número 295 de data 27.12.2011.

Así mesmo, a Xunta de Goberno Local, en sesión ordinaria celebrada o día 3.10.2012, aprobou as bases específicas para o acceso en propiedade a **sete prazas de Técnico/a en Xardín de Infancia (unha delas reservada a discapacitados/as)**, pertencentes ao cadro de persoal funcionario do Excmo. Concello de Lugo, quenda libre, incluídas nas referidas Ofertas de Emprego.

Esta Alcaldía, en virtude das atribucións conferidas á Alcaldía polos artigos 124 e 127 da Lei 7/1985, do 2 de abril, reguladora das bases do réxime local, así como do acordo nº 2/444 da Xunta de Goberno Local, do 27 de xuño do 2011, en relación cos Decretos nºs. 60/2011 e 70/2011 do Libro de Resolucións da Alcaldía: Actas e Goberno e Normalización Lingüística, do 23 de xuño e 18 de xullo, respectivamente, **RESOLVE:**

PRIMEIRO.- Convocar o proceso selectivo mediante o sistema de oposición, para o acceso en propiedade a **sete prazas de Técnico/a en Xardín de Infancia (unha delas reservada a discapacitados/as)**, pertencentes ó cadro de persoal funcionario do Excmo. Concello de Lugo, quenda libre, que se rexerá tanto polas Bases Xerais para o acceso en propiedade a prazas de funcionarios e persoal laboral do Excmo. Concello de Lugo en quenda libre, aprobadas pola Xunta de Goberno Local, en sesión do 18.06.2008, publicadas no BOP número 157 de 9.07.2008 (modificadas polo citado órgano en sesión do 18 de febreiro de 2009, modificación que foi publicada no BOP número 051, do 4 de marzo de 2009) e polas bases específicas aprobadas por dito órgano na sesión do 3.10.2012, que seguidamente se transcriben:

**“BASES ESPECÍFICAS PARA O ACCESO EN PROPIEDAD A SETE PRAZAS DE TÉCNICO/A EN XARDÍN DE INFANCIA (UNHA DELAS RESERVADA A DISCAPACITADOS/AS) PERTENCENTES AO CADRO DE PERSOAL FUNCIONARIO DO EXCMO. CONCELLO DE LUGO, QUENDA LIBRE.**

1º.- OBXECTO.- Estas bases específicas teñen por obxecto a regulación dos aspectos particulares do proceso de selección para o acceso, como

## **PERSOAL**

MLP/egp

Refª: 12drconvocatoria7TecnXardinInfancia.doc

Asunto: Convocatoria 7 praza de Técnico/a Xardín de Infancia- q.l

funcionario/a de carreira, a sete prazas de Técnico/a en Xardín de Infancia (unha delas reservada a persoas discapacitadas), do cadro de persoal funcionario do Excmo. Concello de Lugo, en todo o que non estea previsto nas "BASES XERAIS PARA O ACCESO EN PROPIEDAD A PRAZAS DE FUNCIONARIOS E PERSOAL LABORAL DO EXCMO. CONCELLO DE LUGO, QUENDA LIBRE", aprobadas pola Xunta de Goberno o 18 de xuño de 2008 e modificadas polo citado órgano en sesión do 18 de febreiro de 2009.

Establécese a reserva dunha praza para ser cuberta entre persoas con discapacidade de grao igual ou superior ao 33%. A opción á participación no procedemento selectivo para as prazas reservadas para persoas discapacitadas terá que formularse na solicitude de participación da correspondente convocatoria. A súa condición de discapacitado/a deberá acreditarse coa certificación do órgano competente, así como, igualmente, deberán presentar certificado expedido polo mesmo órgano ou polo competente da Administración sanitaria, que acredite a compatibilidade das súas circunstancias físicas ou psíquicas co desempeño das tarefas e funcións da correspondente praza. Todo isto deberá acompañar a solicitude de participación no proceso selectivo.

Con anterioridade ao nomeamento, e unha vez superado o proceso selectivo, o Alcalde poderá requirir, respecto ás persoas que accedan por esta cota de reserva, ditame do órgano competente sobre a compatibilidade do candidato/a para o posto de traballo ou sobre as adaptacións deste último.

Se a praza non fora cuberta por persoas con discapacidade de grao igual ou superior ao 33%, será cuberta polo aspirante que, sen presentar a dita discapacidade, acade a puntuación máis alta na totalidade do procedemento selectivo.

O órgano competente da Corporación poderá adscribir aos/ás aspirantes nomeados/as, a través do correspondente procedemento regulamentario, a calquera posto de traballo que, de acordo co seu grupo de titulación, teña asignadas funcións propias desta categoría profesional.

Unha vez publicada a relación de aprobados prevista na base décimo novena das bases xerais que rexen a convocatoria, ademais da documentación requirida na base vixésima das mesmas, aos/ás aspirantes aprobados, de acordo co disposto no Decreto 329/2005, do 28 de xullo, polo que se regulan os centros de menores e de atención á infancia, deberán acreditar, con carácter previo ao seu nomeamento:

- Estar en posesión do carné de manipulador/a de alimentos
- Ter coñecementos básicos en primeiros auxilios
- Estar vacinados/as contra a rubéola

### **2º.- CARACTERÍSTICAS DA PRAZA**

- a) Denominación da praza: Técnico/a en Xardín de Infancia
- b) Grupo de titulación: GRUPO C (subgrupo C1)
- c) Outras características:
  - Escala: administración especial
  - Subescala: técnica
  - Clase: auxiliar

3º.- SISTEMA SELECTIVO. O sistema selectivo será o de oposición.

4º.- TITULACIÓN ESIXIDA PARA O ACCESO Á PRAZA:

Técnico en educación infantil ou equivalente (técnico especialista-educador infantil ou xardín de infancia) ou superior (mestre especialista en educación infantil ou equivalente, técnico superior en educación infantil).

5º.- SOLICITUDE DE PARTICIPACIÓN

As solicitudes para participar no correspondente proceso selectivo haberán de axustarse ao modelo aprobado polo Excmo. Concello de Lugo.

As solicitudes de participación deberá xuntarse a seguinte documentación:

- a) Fotocopia do DNI, pasaporte ou documento que o substitúa noutros estados membros da Unión Europea.
- b) Fotocopia compulsada da titulación esixida.
- c) Xustificante do ingreso dos dereitos de exame. Os interesados e interesadas deberán unirlle á solicitude o xustificante de ter ingresados os dereitos de exame. As taxas por dereito de exame para este grupo están fixadas en 15,15 €, de acordo coa Ordenanza fiscal número 119 vixente neste momento no Concello, téndose que estar en todo o relativo aos dereitos de exame co establecido na citada ordenanza. O aboamento da citada taxa farase en calquera das oficinas de Novagalicia Banco, no número de conta 2080 0152 66 3110001309.  
De conformidade, así mesmo, co previsto no artigo 38 da Lei de réxime xurídico das administracións públicas e do procedemento administrativo común, o importe da taxa por dereitos de exame poderá facerse efectivo mediante xiro postal ou telegráfico ou mediante transferencia á conta enriba sinalada.
- d) No caso de persoas discapacitadas, deberán acompañar á solicitude a certificación do órgano competente que acredite a súa condición de discapacitado/a, así como, igualmente, deberán presentar certificado expedido polo mesmo órgano ou polo competente da Administración sanitaria, que acredite a compatibilidade das súas circunstancias físicas ou psíquicas co desempeño das tarefas e funcións da correspondente praza.

6º.- PROCESO SELECTIVO

As probas selectivas que deberán superar as persoas aspirantes á praza a que se refiren estas bases específicas son as seguintes:

A) DE CARÁCTER OBRIGATORIO E ELIMINATORIO:

PRIMEIRO EXERCICIO: teórico, consistirá en contestar por escrito un cuestionario composto por 20 preguntas tipo test relativas tanto ao contido do programa de materias comúns como da parte de materias específicas. Este cuestionario estará composto por preguntas con tres respostas alternativas, sendo unha delas a correcta. O tempo máximo para a realización deste exercicio é de 30 minutos. Cada pregunta contestada correctamente terá unha puntuación de 0,5 puntos. A mal contestada restará 0,166, puntuando con 0 puntos a deixada en branco. Para superar este primeiro exercicio e pasar ao segundo, deberá acadarse ao menos unha puntuación de 5 puntos.

## **PERSOAL**

MLP/egp

Refª: 12drconvocatoria7TecnXardinInfancia.doc

Asunto: Convocatoria 7 praza de Tecnico/a Xardín de Infancia- q.l

O temario de materias comúns intégrano 8 temas, e figuran na base décimo sexta das bases xerais xa mencionadas, que rexerán nos procesos para o acceso en propiedade a prazas pertencentes ao cadro de funcionarios e persoal laboral do Concello de Lugo en quenda libre.

**SEGUNDO EXERCICIO:** teórico, desenvolvemento por escrito de dous temas extraídos ao chou de entre os comprendidos no temario de materias específicas. O tempo máximo para realizar este exercicio será de 90 minutos.

**TERCEIRO EXERCICIO:** práctico, consistirá en realizar, durante un período máximo de 60 minutos, un suposto práctico que formulará o tribunal inmediatamente antes do comezo do exercicio, e que estará relacionado cos contidos do programa e coas funcións propias dos titulares destas prazas.

No anuncio de convocatoria deste exercicio, o tribunal determinará os medios materiais dos que deberá ou poderá ir provisto o persoal aspirante para a súa realización.

Os exercicios obrigatorios e eliminatorios cualificaranse de apto ou non apto, e deberá acadarse unha puntuación mínima de 5 para a súa superación. Os exercicios que obteñan a cualificación de apto serán puntuados de 5 a 10 puntos.

### **B) COÑECEMENTO DA LINGUA GALEGA.**

Na realización deste exercicio e na súa valoración haberá que atermose ao disposto na base décimo cuarta letra C das bases xerais para o acceso en propiedade a prazas de funcionarios e persoal laboral do Excmo. Concello de Lugo en quenda libre.

A cualificación final de cada aspirante será a resultante da suma das cualificacións de cada un dos exercicios obrigatorios e eliminatorios.

### **7º.- PROGRAMA TEMARIO DE MATERIAS ESPECÍFICAS**

Tema 1.- A infancia. Evolución da atención á infancia ao longo da historia en España e noutros países. Teorías, autoras/es e tendencias que influíron na educación infantil.

Tema 2.- O proceso de ensinanza-aprendizaxe. Principios que favorecen o proceso de desenvolvemento infantil. O papel que desempeña o persoal educador/coidador infantil.

Tema 3.- Os procesos sensoriais e perceptivos. A importancia dos sentidos e a súa estimulación temperá. Nenas e nenos con alteracións sensoriais.

Tema 4.- O desenvolvemento motor. Leis e fases do desenvolvemento motor. A psicomotricidade. Alteracións e trastornos motores na nena e no neno nos primeiros anos.

Tema 5.- O desenvolvemento cognitivo. A intelixencia sensoriomotora na infancia. A intervención educativa. Alteracións no desenvolvemento cognitivo da/do menor.

Tema 6.- A expresión e a comunicación. Importancia e adquisición da linguaxe na infancia. A intervención educativa no caso das linguas en contacto.

Tema 7.- A expresión xestual e corporal. Etapas. A importancia da linguaxe xestual e corporal nos primeiros anos de vida.

Tema 8.- O desenvolvemento afectivo. Características da afectividade infantil. O desenvolvemento socioafectivo - emocional no neno e na nena. Trastornos deste desenvolvemento.

Tema 9.- O desenvolvemento sexual. Características da sexualidade infantil. Educación da sexualidade na escola infantil. A coeducación.

Tema 10.- Ingreso da/o menor en centro infantil. A adaptación. A importancia da relación familia escola.

Tema 11.- Concepto e natureza do xogo. O xoguete. O/A educador/a e o modelo lúdico. Influencia dos medios de comunicación no xogo e no xoguete.

Tema 12.- A literatura infantil. O conto e o seu valor educativo. A linguaxe rítmico-musical.

Tema 13.- A educación para a saúde. Medio ambiente e saúde. O papel do/a educador/a infantil na educación para a saúde. Os medios de comunicación e a saúde nos/as menores.

Tema 14.- A alimentación e nutrición infantil. Etapas. Alimentación. Novas tendencias referidas á alimentación. A importancia dos medios de comunicación na alimentación das/os nenas/os. Alteracións alimentarias.

Tema 15.- A hixiene infantil e o medio. Alteracións relacionadas coa hixiene. O descanso infantil. O sono.

Tema 16.- Enfermidades infantís. O papel do/a educador/a, da escola e da familia nas enfermidades infantís.

Tema 17.- Accidentes infantís. Prevención de accidentes na infancia. Primeiros auxilios.

Tema 18.- Hábitos de autonomía persoal nos máis pequenos. Actividade da vida cotiá. O acercamento ao medio e á cultura.

Tema 19.- Planificación de centros de atención á infancia. Documentos. O deseño curricular.

Tema 20.- A programación da escola infantil de 0 a 3 anos. Elementos da programación.

Tema 21.- O material como recurso educativo na escola infantil. Características e tipos. Elaboración de materiais/recursos na escola.

Tema 22.- A organización do espazo como recurso educativo. Distribución e creación. Influencia no proceso de ensinanza aprendizaxe.

Tema 23.- Organización do tempo na escola infantil. Factores que inflúen. Criterios para a distribución temporal.

Tema 24.- Avaliación na educación infantil de 0 a 3 anos. Ámbitos da avaliación. Instrumentos de observación. Documentos de avaliación no centro ou escola.

Tema 25.- Diversidade educativa. Necesidades educativas especiais. Adaptacións curriculares. Novas tecnoloxías para a atención na diversidade. Normativa legal.

Tema 26.- Problemas e trastornos na conduta na infancia. Adaptacións curriculares. Cooperación da familia.

Tema 27.- Influencia das principais correntes pedagóxicas e psicolóxicas na educación infantil. A importancia da educación infantil na actualidade.

Tema 28.- A escola infantil como medio compensador de desigualdades sociais. A/O menor en risco social. O papel dos concellos e administracións na axuda e protección da/o menor.

Tema 29.- Os organismos internacionais e a súa incidencia na educación infantil. Os dereitos das/os menores. Educación multicultural.

Tema 30.- Ordenación e principios xerais da educación infantil no Estado español.

**PERSOAL**

MLP/egp

Refª: 12drconvocatoria7TecnXardinInfancia.doc

Asunto: Convocatoria 7 praza de Tecnico/a Xardín de Infancia- q.l

Tema 31.- Ordenación e principios xerais da educación infantil na Comunidade Autónoma Galega.

Tema 32.- A Lei de prevención de riscos laborais. Delegadas/os de prevención. Comité de Seguridade e Saúde.”

SEGUNDO.- Sinalar que, de acordo co previsto na base novena das bases xerais para o acceso en propiedade a prazas de funcionarios e persoal laboral do Excmo. Concello de Lugo en quenda libre, o prazo de presentación de instancias será de vinte días naturais contados dende o seguinte á publicación do anuncio da convocatoria no Boletín Oficial do Estado.

TERCEIRO.- Procédase a súa publicación na forma legalmente establecida

Esta resolución pon fin á vía administrativa e contra ela caberá interpoñer recurso contencioso-administrativo, no prazo de DOUS MESES, contados a partir do día seguinte ó da súa notificación, ante o Xulgado do Contencioso Administrativo de Lugo ou, á elección do interesado, ante o da circunscrición onde teña o seu domicilio. Malia o anterior, e con carácter previo e potestativo, poderá interpoñer recurso de reposición, no prazo de UN MES, contado dende o seguinte á notificación da presente resolución, sen prexuízo de que vostede interpoña calquer outro recurso que estime procedente en Dereito.

Cúmprase.